

**i** FLETËUDHËZUES I PAKETIMIT:  
Informacion për përdoruesin

# KORONARINE

Drazhe - 25 mg  
(Dipiridamol)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

- Çfarë është Koronarine dhe përse përdoret
- Përpara se të merrni Koronarine
- Si ta merrni Koronarine
- Efekte anësore të mundshme
- Si ta ruani Koronarine
- Informacion i mëtejshëm.

## 1. ÇFARË ËSHTË KORONARINE DHE PËRSE PËRDORET

Koronarine përmban lëndën vepruese dipiridamol. Dipiridamoli zgjat kohën e mbijetesës, të shkurtuar në mënyrë jonormale, të trombciteve. Ai është një frenues i bashkimit (ngjitjes) së trombciteve, ndonëse mekanizmi i veprimit ende nuk është sqaruar plotësisht. Mekanizmi i veprimit lidhet me

- frenimin e rikapjes nga eritrocitet të adenozinës, e cila nga ana e saj është një frenuese e reaktivitetit të trombciteve,
- frenimin e fosfodiesterazës, çka shpie në shtimin e monofosfatit të 3', 5' – adenozinës ciklike në trombcite dhe
- frenimin e tromboksanit A2, i cili është një nxitës i fuqishëm i aktivimit të trombciteve.

Koronarine – drazhe – 25 mg përdoret si ndihmës gjatë mjekimit me antikoagulantë që merren nga goja (antikoagulantë kumarinikë) për parandalimin e ndërlkimeve tromboembolike prej valvolave prostetike të zemrës. I vetëm ose i kombinuar me aspirinë indikohet edhe për parandalimin e infarktit të miokardit dhe uljen e vdekshmërisë prej infarktit të miokardit.

## 2. PËRPARA SE TË MERRNI KORONARINE

Mos merrni Koronarine në qoftë se:

- jeni i mbindjeshëm (alergjik) ndaj dipiridamolit ose ndaj ndonjërit prej përbërësve të tjerë të Koronarine të përmendur në fund të këtij fletëudhëzuesi.

Në qoftë se mendoni se keni ndonjë nga gjendjet e përmendura më sipër, mos i merrni tabletat, shkoni dhe flisni fillimisht me mjekun tuaj dhe ndiqni këshillat e dhëna.

Tregoni kujdes të veçantë me Koronarine

Njoftoni mjekun tuaj në qoftë se:

- keni përqësime të shpejtë të anginës;
- jeni me stenoze subvalvolare aortike;
- jeni me paqëndrueshmëri hemodinamike në periudhën pas kalimit të infarktit;

- keni çrregullime të koagulumit;
- keni hipotension;
- vuani nga insuficiencia kardiake;
- vuani nga miastenia gravis;
- përdorni njëkohësisht barna që rrisin risun për hemorragji;
- jeni me migrenë, sepse ajo mund të përqësohet;
- i sëmuri është nën moshën 12 vjeç, sepse siguria dhe efektshmëria e dipiridamolit nën këtë moshë ende nuk është përcaktuar.

Marrja e barnave të tjera

- Njoftoni mjekun ose farmacistin tuaj në qoftë se jeni duke marrë ose keni marrë së fundmi barna të tjera, edhe ato pa recetë të tilla si:
- barna që përbajnë rjedhës të metilksantinës (përgatesat antiastmatike me teofilinë ose aminofilinë) sepse mund ta zvogëlojnë efektin e dipiridamolit dhe nuk duhen përdorur njëkohësisht;
  - barna që zgjerojnë enët e gjakut (vazodilatatorë) sepse dipiridamoli mund ta fuqizojë efektin antihipertensiv;
  - antiacidet, efektshmëria e dipiridamolit mund të ulët kur ai përdoret në të njëjtën kohë me antiacide ndaj duhet mënjeluar përdorimi në të njëjtën kohë i tyre.

Këto barna mund të ndikohen nga dipiridamoli ose mund të ndikojnë në mënyrën se si ai vepron, ndaj në përdorimin e njëkohshëm të tyre mund të nevojitet të ulët ose të rritet doza e dipiridamolit. Mjeku ose farmacisti juaj do t'ju këshillojë.

Marrja e Koronarine me ushqim dhe pije

Rekomandohet që bari të merret para ushqimit dhe nuk rekomandohet pirja e alkoolit gjatë periudhës së marrjes së barit.

Shtatzënia

Njoftoni mjekun ose farmacistin tuaj në qoftë se jeni shtatzënë ose po planifikoni të ngeleni shtatzënë. Dipiridamoli nuk duhet përdorur në tremujorin e parë të shtatzënisë, ndërsa në pjesën tjetër të kësaj periudhe ai duhet përdorur me kujdes dhe vetëm pasi të ballafaqohen përfitimet terapeutike për nënën me rreziqet e mundshme për fetusin.

Ushqimi me gji

Njoftoni mjekun ose farmacistin tuaj në qoftë se ushqeni foshnjën me qumësht gjiri. Dipiridamoli kalon në qumështin e gjirit. Mjeku ose farmacisti do të diskutojnë mbi rreziqet dhe përfitimet e marrjes së tij në qoftë se jeni duke ushqyer foshnjën me gji apo keni në plan ta bëni këtë.

Drejtimi i automjetit dhe përdorimi i makinerive

Tregohuni të kujdesshëm gjatë drejtimit të automjetit ose përdorimit të makinerive sepse Koronarine mund të shkaktojë efekte të tilla si: marramendje, këputje ose turbullim të shikimit.

Informacione të rëndësishme mbi disa nga përbërësit e Koronarine

Ky bar përmban laktozë dhe sukrozë. Nëse ju është thënë nga mjeku juaj se keni intolerancë nga disa sheqema, kontakti mjekun tuaj përpara se të merrni këtë bar.

## 3. SI TA MERRNI KORONARINE

Gjithmonë merreni Koronarine vetëm sipas këshillës së mjekut. Në qoftë se ndjeni që efektet e saj janë shumë të forta ose shumë të dobëta, flisni me mjekun ose farmacistin tuaj. Bari mund të merret një orë para ushqimit me një gotë ujë. Këshillohet që tabletat t'i merrni në të njëjtën orë çdo ditë. Më poshtë jepet një pasqyrë praktike për dozimin e Koronarine:

<i>Të rriturit dhe të moshuarit:</i>	Doza normale ditore është 75-100 mg në ditë, në 3 ose 4 doza të ndara.
<i>Fëmijët:</i>	Doza normale ditore është 5 mg/kg peshë, në doza të ndara.

Mjeku juaj mund t'ju kërkohet të merrni Koronarine për një kohë më të gjatë. Këshillohuni me mjekun tuaj në qoftë se nuk jeni i sigurt për sa kohë duhet ta merrni.

Në qoftë se keni marrë më shumë Koronarine

Në qoftë se keni marrë më shumë Koronarine se sasia që duhet të merrni, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin, ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren.

Në qoftë se harroni të merrni Koronarine

Në qoftë se harroni një dozë, merrni dozën në vazhdim kur të jetë koha për marrjen e zakonshme të saj. Mos merrni një dozë të dyfishtë për të plotësuar dozën e harruar. Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

## 4. EFEKTE ANËSORE TË MUNDSHME

Të gjitha barnat mund të shkaktojnë efekte anësore. Ndonjëherë ato janë serioze, shumicën e herëve jo. Mos u alarmoni nga kjo listë e efekteve të mundshme anësore. Mund të mos ju shfaqet asnjë prej tyre. Efektet e padëshirueshme nga përdorimi i dozave terapeutike zakonisht janë minimale dhe kalimtare. Gjatë përdorimit afatgjatë, efektet e padëshirueshme fillestare zakonisht zhduken. Njoftoni mjekun tuaj në qoftë se ndonjë prej efekteve anësore të mëposhtme ju shqetëson:

- për shkak të efekteve vazodilatatore të dipiridamolit, ndonjëherë mund të shfaqen dhimbje vaskulare të kokës, të cilat zakonisht zhduken me uljen e dozës;
- marrje mendsh;
- të fikët;
- hipotension;
- skuqe në fytyrë;
- dispepsi,
- të vjella;
- diarre e lehtë;
- ekzantema.

Në qoftë se vëreni efekte anësore që nuk janë të përmendura në këtë fletëudhëzues, ju lutemi të njoftoni mjekun ose farmacistin tuaj.

## 5. SI TA RUANI KORONARINE

Mbajeni larg fëmijëve. Mos e përdorni Koronarine pas datës së skadimit e cila është e shënuar në paketim. Mos e ruani mbi 25°C! Ruajeni barin në paketimin original.

## 6. INFORMACION I MËTEJSHËM

Çfarë përmban Koronarine

Lënda vepruese është dipiridamoli.

Çdo drazhe përmban 25 mg dipiridamol.

Përbërësit e tjerë janë: amidon, laktozë monohidrat, xhelatinë, talk,

stearat magnezit, celulozë mikrokristalore, povidon, karbonat kalciumi, dioksid titani, sukrozë, Opalux portokalli, Opaglos i bardhë 6000.

Përbajtja e paketimit:

Kuti me 60 drazhe.

Shpjeguesi i ikonave ilustruese në paketim:



Këshillohuni me mjekun ose farmacistin tuaj.



Përbajtja.



Kujdes.



Forma e tabletës.

Mbajtësi i autorizimit për tregtim (MAT) dhe prodhuesi:



**PROFARMA Sh.a.**  
Rruga "Myslym Keta"  
Tel.: 00355 4 23 89 602  
Tiranë - SHQIPËRI

Ky fletëudhëzues u rishikua për herë të fundit në Dhjetor 2012.

